

# REFERAT Kommunalbestyrelsi d. 03-12-2025

**Mødedato** Onsdag d. 03. december 2025 kl. 15:00

**Mødested** Kommunalbestyrelsip ataatsimiittarfiani

# Indholdsfortegnelse

|  |    |
|--|----|
| Saqqaa.....  | 3  |
| Oqaluuserisassat akuerineqarneri.....  | 4  |
| Nalunaarutit.....  | 6  |
| Iserit A/S-mi immikkut ittumik ataatsimeersuarneq.....   | 9  |
| Iserit A/S-mi immikkut ittumik ataatsimeersuarneq.....   | 11 |
| Ulluunerani paaqqinnittarfinnut utaqqisut allattorsimaffii pillugit ilisimatitsissut.....          | 13 |
| Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029.....    | 16 |
| Nuummi Inuussutissarsiornermi oqallittarfinnik pilersitsineq (Illoqarfiit pingaarnersaanni Inuussu | 19 |
| Kommuneqarfik Sermersuumi killeqarfinnik agguataarineq.....  | 22 |
| Kommuneqarfik Sermersuumi killeqarfinnik agguataarineq.....  | 25 |
| Kommuneqarfik Sermersuumi killeqarfinnik agguataarineq.....  | 28 |
| Kommuneqarfik Sermersuumi killeqarfinnik agguataarineq.....  | 31 |
| Kommuneqarfik Sermersuumi killeqarfinnik agguataarineq.....  | 34 |
| Kommuneqarfik Sermersuumi killeqarfinnik agguataarineq.....  | 37 |
| Tunami utoqqarnik suliaasaqarfimmut tulleriissaarisartut pillugit siunnersuut.....                 | 41 |
| Nuuttunut klassimik/atuartunngortussanut klassimik pilersitsisoqarnissaa pillugu siunnersuut.....  | 43 |
| Utoqqaat pillugit siunnersuisooqatigiinni ilaasortanik qinersineq 2025-2029.....                   | 46 |
| Missingersuutininik malitseqartitsineq – Ilassutitut aningaasaliissutit 2.....                     | 49 |
| 2026-mut missingersuutininik aappassaaneerinninneq.....  | 53 |
| Lukket.....  | 56 |
| Imaqarniliap akuerineqarnera.....  | 57 |

# Punkt .: Saqqaa

## Ilaasortat

Avaaraq Olsen (IA)  
Mette Pike Barselajsen (IA)  
Uju Petersen (IA)  
Lone Rosengreen Pedersen (IA)  
Nitta Lyberth-Mørch (IA)  
Arnanguak Steenholdt (IA)  
Ida Julie Andersen (IA)  
Poul Petersen (D)  
Alex Hermansen (D)  
Justus Hansen (D)  
Per Berthelsen (D)  
Egon Poulsen (S)  
Dorthe-Marie Mogensen-Fontain (S)  
Martha Abelsen (S)  
Peter Davidsen (S)  
Laura Táunâjik Uitsatikitseq (S)  
Mala Høy-Kúko (S)  
Doris J. Jensen (S)  
Peter Utuange (N)

## Beslutning

### Ataatsimeeqataasut

Avaaraq Olsen (IA)  
Uju Petersen (IA)  
Lone Rosengreen Pedersen (IA)  
Nitta Lyberth-Mørch (IA)  
Arnanguak Steenholdt (IA)  
Ida Julie Andersen (IA)  
Poul Petersen (D)  
Alex Hermansen (D)  
Justus Hansen (D)  
Per Berthelsen (D)  
Egon Poulsen (S)  
Dorthe-Marie Mogensen-Fontain (S)  
Peter Davidsen (S)  
Mala Høy-Kúko (S)  
Doris J. Jensen (S)  
Peter Utuange (N)

### Attaveqaatitigut peqataasut

Laura Táunâjik Uitsatikitseq (S)  
Martha Abelsen (S)  
Mette Pike Barselajsen (IA)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.



# Punkt .: Nalunaarutit

## Beslutning

### **Borgmester Avaaraq Olsenip nalunaarutai:**

Ataatsimoortumik tapiissutit pillugit isumaqatigiinniarnit isumaqatigiissullu taamatutaaq Nuuumi siunissami takornariaqarneq pillugu innuttaasunik ataatsimiititsineq pillugu nalunaruteqarpoq.

### **Teknikkeqarnermut Avatangiisinullu Ataatsimiitimi siulittaasup Uju Petersen-ip nalunaarutai:**

*Upalungaarsimasuni ilinniartitsinermik ingerlatsineq*

Upalungaarsimasut Issittumi Tunngaviusumik Ilinniarfimmu qatserinermik iliuuseqarnermullu tunngasunik sapaatip-akunneri sisamani ilinniartitsipput. Katillugit Issittumi Tunngaviusumik Ilinniarfimmi ilinniartut 24-t ilinniarneq naammassivaat.

*Nuup Ilisarnaataa*

Nuummi ilisarnaatissaq pillugu innuttaasunik tamanik taasititsisoqarpoq. Nuup Ilisarnaataanik unammisitsinermi ajugaasoq toqqarneqarpoq kommuneqarfiullu nittartagaatigut saqqummiunneqarluni.

*Sullorsuarmi qullernik iluarsaaneq*

Sullorsuarmi qullernik iluarsaassinissamut atortussat kinguaattoornerat pissutaalluni allannguutissatut pilersaarutaareersut sulii piviusunngortinneqanngillat.

Atortussat kingulliit ikkussorneqarput, taamaattumillu marlungornermi ullup ilaa sullorsuaq matoqqatinneqarpoq. Sullorsuarmi qulliit iluarsineqarnerini allannguutit pilersaarusiorneqarput, ullaakkut ualikkullu ataasiinnarmik sammiveqartarneq sivikinnerulersinniarlugu. Taassuma saniatigut aappalaartuusarnera (utaqqisarneq) sivikinnerulersinneqassaaq, illuaniit illuanut paarlaattarneri sukkanerulersinniarlugit. Sullorsuup isuini kisitsissutit ikkunneqassapput, biilertut qaqugukkut qulliit qorsunngoqqissanerat takusinnaaniassammassuk.

Piaartumik allannguutit atuutilissasut naatsorsuutigineqarpoq, innuttaasullu kommuneqarfiup nittartagaatigut facebook-kiatigullu ilisimatinneqassapput.

### **Inoqarfinnut Ataatsimiititami Ataatsimiitimi siulittaasup Lone R. Pedersen-ip nalunaarutai:**

*Aalisarneq pillugu Siunnersuisoqatigiit*

Kommunimi Aalisarneq pillugu siunnersuisooqatigiit sapaatip akunnera kingullermi ataatsimiipput.

*Paamiuni suliariumannittussarsiuussineq*

Paamiuni nutaamik tigooraaviliornissamut nutaamillu umiatsiaaraleriviliornissamut suliariumannittussarsiuussisoqarnikuuvoq

Neqerooruteqartoq ataasiinnaq tiguneqarpoq, aningaasaliissutaasuniillu annertunerusumik neqeroorluni. Suliap ingerlateriaqqinnissaanut ingerlatsivik nalilersuilluni aallartippoq.

*Paamiuni nutaamik meeqqeriviliornissamut siunnersortissarsiorneq*

Paamiuni nutaamik meeqqeriviliornissamut atatillugu tamakkiisumik siunnersortissarsiornermut atatillugu piukkunnartussarsiorneq ingerlanneqarnikuuvoq. Siunnersuisartut pingasut suliap ingerlanneqarnerani ingerlateqqinneqarput, taamaalilluni pilersaarummut tamakkiisumik siunnersortissarsiorneq pilersaarutit malillugit siumut ingerlavoq.

### **Utoqqarnut Isumassuinnermullu Ataatsimiititami Ataatsimiitimi siulittaasup Nitta Lyberth-Mørch-ip nalunaarutai:**

Ulloq 27. novembari 2025 Utoqqaat Illuanni Ippiarsummilu siulersuisussanik qinersisoqassaaq. Najugaqartut, qanigisaasut sulisut ilaasortaataitassaannik toqqaanissaq kiisalu sinniisussaqaartitsinissaq tassani siunertaavoq.

Utoqqarnut tunngasunik immikkoortortami aqutsisut una sapaatip akunnera Nuuummi ataatsimoortinneqarput, ataatsimoornermilu utoqqarnut immikkoortumut pilersaarut 2026-mullu pilersaarusiorneq aallaavigineqarput. Peqatigitilluguttaaq qulakkeerniarneqarpoq, utoqqarnut suliaasaqarfimmi takussutissalianik tamanik kommune tamakkerlugu assigiissaarinissaq.

Suliffeqarnermut Isumaginninnermullu Ingerlatsivimmi pisortaq aamma utoqqarnut suliaasaqarfimmi fagcheffi utoqqarnut tunngasumik inatsissisaq pillugu isumasioqatigiisitsineq ingerlanneqarmat isumaginninnermik oqallittarfimmi

peqataapput. Suleqatigiinneq pillugu oqallittarfik Isumaginninnermut, Suliffeqarnermut Nunamullu Namminermt Naalakkersuisoqarfimmit pilersinneqarpoq, kommunillu tamakkerlutik aggersarneqarlutik.

Utoqqarnik sullissivimmit juullikkut ukiortaallu akornanni sulisussaqaarniarnermik unammillerneqartoqarsinnaassasoq eqqumaffigineqarpoq. Taamaattorli utoqqaat illuanni aamma angerlarsimaffimmi ikorfartortit piffissami tassani sulisoqarnissaanik qulakkeerinninniarlutik sulisunik allanik pisariaqartitsisoqalissagaluarpat piareersimapput.

### **Meeqqanut, Ilaqutariinnut Atuartitaanermullu Ataatsimiititami siulittaasup Poul Petersen-ip nalunaarutai:**

Unicef Grønland aamma Unicef Danmark suleqatigiinnermi killifik aammalu isumaqatigiissutip nutarternissaa pillugu ataatsimeeqatigisimallugit nalunaarutigaa.

### **Isumaginninnermut Inunnullu Innarluutilinnut Ataatsimiititami siulittaasup Justus Hansen-ip nalunaarutai:**

Tasiilami nammineq najugaqalernissamut sungiusarfissat arfineq pingasut toqqavissai suliarineqalerput. Sulisoq Tasiilami neqeroorummi ingerlatsisussaq sungiusariartorluni Nuummut tikippoq. Sulisup Nuummiinnermini najugaqalernissamut sungiusarfittut neqeroorutit qanoq ingerlanneqartussaanei takullugillu sungiusarfigissavai. Tamatuma saniatigut Aqqusinnermi ornigullutik sullissisartut aqutsisuat Tasiilaliassaaq, neqeroorutip aallaqqaataaniit aallartilluarnissaa qulakkeerniarlugu.

Ulloq 27. aamma 28. oktobari ingerlatsivimmi pisortaq, fagcheffi aamma Suliffeqarnermut Isumaginninnermullu Kiffartuussivimmit ineriartortitsinnermut pisortaq Suliffeqarfimmut Naalakkersuisoqarfimmit aaqjissuunneqarsimasumi Nunatsinni siunissami suliffeqarnermut politikki pillugu isumasioqatigiinnermut peqataapput. Programmi malillugu inuusuttut sulisartut, ilinniartut, nunamut allanut susassaarfik, inuuneq tamaat ilinniarfiunera, assigiinngiaassuseq aamma suliffimmi avatangiisit pillugit oqallittoqarpoq.

inunnut innarluutilinnut Tarnikkullu nappaatilinnut immikkoortortaq decembarip ulluisa pingajuanni Nunarsuaq tamakkerlugu Inunnut innarluutilinnut ullorititaanni aaqjissuissaaq. Katersortarfimmi assigiinngitsunik sammisassaqaartitsisoqassaaq. Tamanut ammavoq.



# **Punkt 1: Iserit A/S-mi immikkut ittumik ataatsimeersuarneq**

## **Beslutning**

Ilisimatitsissut tusaatissatut tiguneqarpoq.

## **Bilag**

Siulittaasup aalajangiinera ullulerlugu atsiorneralu

Pisinnaatitsissut

Ataatsimeersuarnermi imaqarniliatut siunnersuut

## Iserit A/S-mi immikkut ittumik ataatsimeersuarneq

Siulittaasup aalajangiineranik ilisimatitsissut

Ilisimatitsissut

SagID.: EMN-2025-03397

Pisortaqaatigiit Allatseqarfiat – kommunaldirektøri Ole Jakobsen / OJAK

### Inassuteqaat

Pisortaqaatigiit Allatseqarfiannit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Iserit A/S ingerlatseqatigiiffiuvoq kommunimit tamakkiisumik pigineqartoq, tassanilu piginnittoq kommune sinnerlugu borgmesteri sinniisuutitaavoq.

Eqqartuussissuserisoq Niels Hansen Damm pisinnaatinneqarpoq sapinngisamik piaartumik aammalu kingusinnerpaamik novembarip 15-ianni Iserit A/S-imi borgmesteri sinnerlugu attaveqaatigit immikkut ittumik ataatsimeersuaitseqqullugu.

Ataatsimeersuarnermi Niels Hansen Damm pisinnaatinneqarpoq siunnersuutit nassiunneqartut pillugit taasinissamut, tassunga ilanngullugu ingerlatseqatigiiffimmi aningaasaatit qaffannissaannik siunnersuut nalingannit DKK 66.526.000-init kurs 100-mut aktienik nutaanik pisinikkut aamma tassunga ilanngullugu Iserit A/S-imut malittarisassat nutaat akuersissutiginnisaanut.

### Ingerlatsivimmit aningaasatigut sulisoqarnikkullu naliliinerit

Illunik pisineq tuniniaanerlu pillugit Kommunalbestyrelsip juunip 17-ianni 2025-mi Kommunalbestyrelsip ataatsimiinnerani aalajangiineq innersuussutigineqarpoq (imm. 41).

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviumik uppernarsaatillit

- Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut nr. 486, 14. maj 2018-imeersoq

### Ilanngussat

1. Siulittaasup aalajangiinera ullulerlugu atsiorderalu
2. Pisinnaatitsissut
3. Ataatsimeersuarnermi imaqarniliatut siunnersuut

## **Punkt 2: Iserit A/S-mi immikkut ittumik ataatsimeersuarneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Siulittaasup aalajangiinera ullulerlugu atsiorneralu

Pisinnaatitsissut

Ataatsimeersuarnermi imaqarniliatut siunnersuut

## Iserit A/S-mi immikkut ittumik ataatsimeersuarneq

Siulittaasup aalajangiineranik ilisimatitsissut

Ilisimatitsissut

SagID.: EMN-2025-03397

Pisortaqaatigiit Allatseqarfiat – kommunaldirektøri Ole Jakobsen / OJAK

### Inassuteqaat

Pisortaqaatigiit Allatseqarfiannit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Iserit A/S ingerlatseqatigiiffiuvoq kommunimit tamakkiisumik pigineqartoq, tassanilu piginnittoq kommune sinnerlugu borgmesteri sinniisuutitaavoq.

Eqqartuussissuserisoq Niels Hansen Damm pisinnaatinneqarpoq sapinngisamik piaartumik aammalu kingusinnerpaamik novembarip 20-ianni Iserit A/S-imi borgmesteri sinnerlugu attaveqaatitigut immikkut ittumik ataatsimeersuaititseqqullugu.

Ataatsimeersuarnermi Niels Hansen Damm pisinnaatinneqarpoq siunnersuutit nassiunneqartut pillugit taasinissamut, tassunga ilanngullugu ingerlatseqatigiiffimmi aningaasaatit qaffannissaannik siunnersuut nalingannit DKK 166.000.000-init kurs 100-mut aktienik nutaanik pisinikkut aamma tassunga ilanngullugu Iserit A/S-imut malittarisassat nutaat akuersissutiginnisaanut.

### Ingerlatsivimmit aningaasatigut sulisoqarnikkullu naliliinerit

Illunik pisineq tuniniaanerlu pillugit Kommunalbestyrelsip juunip 17-ianni 2025-mi Kommunalbestyrelsip ataatsimiinnerani aalajangiineq innersuussutigineqarpoq (imm. 40).

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut nr. 486, 14. maj 2018-imeersoq

### Ilanngussat

1. Siulittaasup aalajangiinera ullulerlugu atsiorderalu
2. Pisinnaatitsissut
3. Ataatsimeersuarnermi imaqarniliatut siunnersuut

## **Punkt 3: Ulluunerani paaqqinnittarfinnut utaqqisut allattorsimaffii pillugit ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Utaqqisut allattorsimaffiat, Kommuneqarfik Sermersuumi ulluunerani neqeroorutini inissat atorneqanngitsut aamma piviusut ulloq 16. oktobari 2025

## **Ulluunerani paaqqinnittarfinnut utaqqisut allattorsimaffii pillugit ilisimatitsissut**

Ilisimatitsissut

SagsID.: EMN-2025-03302

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 62, 20. novembari 2023-meersumi § 8, imm. 3 naapertorlugu qinnuteqartut tamarmik inissaqartinneqanngippata utaqqisunut allattorsimaffimmik kommunalbestyrelse pilersitsissaaq.

16. oktobari 2025-mi utaqqisut allattorsimaffiini nalunaarsuinerit ilanngussaq 1-imi, tabel 1-imi takuneqarsinnaapput. Naatsorsuinerup utaqqisut allattorsimaffii tamakkiisumik takutippai, tassa imaappoq meeqqat tamarmik ulluunerani neqeroorutitut allatsissimasut, apeqqutaatinnagu meeraq ulluunerani neqeroorummi inissamik tiguisinnaanissaminut suli mikivallaarnersoq. Utaqqisut allattorsimaffiini allatsissimasut tamarmiusut meeqqat 48-uupput.

Meeqqat qaammatit tallimmiineranniit ulluunerani neqeroorutini inissanut allatsereersinnaapput, taamaattorli meeraq qaammatinik arfineq marluleereerneranit aatsaat ulluunerani neqeroorummiilersinnaalluni. Ilanngussaq 1-imi, tabel 2-mi takuneqarsinnaavoq utaqqisunut allattorsimaffimmik piviusumik takutitsisuusoq, tassa meeqqat utaqqisut allattorsimaffianniittut qaammatai arfineq marluk utoqqaanerusulluunniit qassiunersut. Tassa imaappoq, inissamik neqeroorfigineqarunik ingerlaannartumik ulluunerani neqeroorummiilersinnaasut. Utaqqisunut allattorsimaffimmi piviusumi meeqqat 34-uupput.

Ilanngussaq 1-imi, tabel 2 naapertorlugu, allattorsimaffimmi piviusumi meeqqat 34-iusunit meeqqat 30-it Nuummi ulluunerani neqeroorutitut utaqqisuniittuupput. Ilanngussaq 1-imi, tabel 3-mi takuneqarsinnaavoq meeraaqqerivinni, meeqqerivinni, atuareernerullu kingorna ornittakkani (AKO aamma FRO) inissaatit atorineqanngitsut amerlanerusut meeqqanit utaqqisuniittuninngarnit. Meeqqanik utaqqisunut allattorsimaffianiittoqarneranut, naak ulluunerani neqeroorutit inissanik atorineqanngitsunik peqaraluortoq, peqqutaanerpaavoq angajoqqaat ulluunerani neqeroorutini aalajangersimasuni inissamik kissaateqarnerat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaattillit**

- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20 novembari 2023-meersoq
- Inissamik innersuussinermi malittarisassat – meeqqanut suli atualingitsunut perorsaanikkut inerikkiartuutaasunik ulluunerani neqeroorutit

### **Siusinnerusukkut aalajangiinerit**

*Meeqqanut, Ilaqutariinnut Atuartitaanermullu Ataatsimiititaq, 06.11.25:*

Ilisimatitsissut tusaatissatut tiguneqarpoq.

*Aningaasaqarnermut Inuussutissarsiornermullu Ataatsimiititaq, 18.11.25:*

Ilisimatitsissut tusaatissatut tiguneqarpoq.

### **Ilanngussat**

1. Utaqqisut allattorsimaffiat, Kommuneqarfik Sermersuumi ulluunerani neqeroorutini inissat atorneqanngitsut aamma piviusut ulloq 16. oktobari 2025

## **Punkt 4: Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029**

### **Beslutning**

Ilisimatitsissut tusaatissatut tiguneqarpoq.



## Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029

Ilisimatitsissut

SagsID.: EMN-2025-02826

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Innersuussut

Isumaginninnermut Inunnullu Innarluutilinnut Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuup 2013-imi Inuit innarluutillit pillugit Siunnersuisooqatigiit pilersippai, siunertaavorlu Kommunalbestyrelsimut aamma Isumaginninnermut Inunnullu Innarluutilinnut Ataatsimiititamut inunnullu innarluutilinnut tunngatillugu siunnersuisarnissaq.

Inuit innarluutillit pillugit Siunnersuisooqatigiit Kommuneqarfik Sermersuumi inuit innarluutillit aamma Kommunalbestyrelsip akornanni atassuteqaataapput, atuuffimminni inuit innarluutilinnut tunngasunik paasititsiniaaqataallutillu oqallitsitsisinnaasut, taamalu kommunimi inunnullu innarluutilinnut atugassarititaasunik siuarsaasinnaallutillu suliassaqarfimmi politikikkut oqallinnernik pitsaanerulersitsillutik.

Inuit innarluutillit pillugit Siunnersuisooqatigiinnut ileqqoreqqusat malillugit siunnersuisooqatigiit sisamaniit arfineq-pingasunut ilaasortaqaassapput, amerlaqatigiinnillu inuit innarluutillit kattuffiinit kommunimiillu sinniisunit ilaasortaqaassaaq - tassangaaniillu ilaasortaqaataaseq Kommunalbestyrelsimi ilaasortaassaaq. Inuit innarluutillit pillugit Siunnersuisooqatigiinnit sapinngisamik inuit innarluutilinnit assigiinngitsunut kommunimilu immikkoortunut assigiinngitsunut sinniisuunissaat anguniarneqarpoq.

Inuit innarluutillit pillugit Siunnersuisooqatigiivisa atuuffiat Kommunalbestyrelsimut piffissaq qinigaaffiusoq aallaavigalugu atuuppoq. Taamaattorli Suliffeqarnermut Isumaginninnermullu ataatsimiititami 3. decembari 2024-mi ataatsimiinnermi aalajangerneqarpoq, inuit innarluutillit pillugit siunnersuisooqatigiivisa atuuffiat utaqqiisaasumik sivitsortinneqassasoq, pissutigalugu piffissami tassani Suliffeqarnermut Isumaginninnermullu Ingerlatsivimmit naatsorsuutigineqarmat inuit innarluutillit tapersersorneqarnissaannut inatsisip nutaap atuutlernissaata malitsigisaanik siunnersuisooqatigiit tungaatigut malittarisassani allanngortoqassasoq. Inuit innarluutillit tapersersorneqarnissaannut inatsit nutaaq kingornatigut kinguartinneqarpoq, taamaattumillu Isumaginninnermut Inunnullu Innarluutilinnut Ataatsimiititamit 11. aggusti 2025-mi aalajangerneqarpoq qinersisoqassasoq.

Nunatsinni Inuit Innarluutillit Kattuffiat NIIK, kommunillu ingerlatsivii ilaasortaattikkusutaminnik innersuussuteqarput, taakku tulliuttumi tamakkiisumik takussutissiami takuneqarsinnaapput:

| Ateq:            | Peqatigiiffik/ingerlatsivik   |
|------------------|---|
| Nina Møller      | Sugisaq – Tarnimikkut eqqarsartaatsimikkullu nappaatillit ilaqutaasalu peqatigiiffiat |
| Arnaq B Johansen | Inooqat - Angajoqqaat ineriartornikkut akornutilimmik meerallit peqatigiiffiat        |
| Pia Kielsen      | Nuna tamakkerlugu kattuffik Autisme – Sumiiffik Kalaallit Nunaat                      |



|                                |   |
|--------------------------------|---|
| Paulus Napatoq                 | ISI - Kalaallit Nunaanni tappiitsut isigiarsuttullu peqatigiiffiat  |
| Mathias Knude<br>Brusgaard     | Suliffeqarnermut Isumaginninnermullu Ingerlatsivimmi<br>Innarluutilinnut tarnikkut nappaatilinnullu Immikkoortorta qarfimmi<br>fagcheffi. |
| Vivi Anne<br>Christiansen      | Meeqqanut Ilaqutariinnullu Ingerlatsivimmi Ilaqutariinnut<br>immikkoortortami aqutsisoq   |
| Marianne<br>Schmidt Lund       | Meeqqanut Atuarfeqarnermullu Ingerlatsivimmi Atuarfeqarnermut<br>immikkoortortami fagcheffi   |
| Lone<br>Rosengreen<br>Pedersen | Kommunalbestyrelsimut Sinniisoq, toqqarneqartoq 19. maaji 2025  |

### **Ingerlatsivimmit aningaasatigut sulisoqarnikkullu naliliinerit**

Innarluutillit pillugit siunnersuisoqatigiinnut qinersinerit kommunimut aningaasatigut sulisutigulluunniit kinguneqarnissaa naatsorsuutigineqanngilaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- o Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat

### **Siusinnerusukkat aalajangiinerit**

*Isumaginninnermut Inunnullu Innarluutilinnut Ataatsimiititaq, 05.11.25:*  
Ilisimatitsissut tusaatissatut tiguneqaroq.

### **Ilanngussat**

Soqanngilaq.

## **Punkt 5: Nuummi Inuussutissarsiornermi oqallittarfimmik pilersitsineq (Illoqarfiit pingaarnersaanni Inuussutissarsiornermi Oqallittarfik Hovedstadens Erhvervsforum)**

### **Beslutning**

Ilisimatitsissut tusaatissatut tiguneqarpoq.

### **Bilag**

Peqataasut allattorsimaffiat



# Nuummi Inuussutissarsiornermi oqallittarfimmik pilersitsineq (Illoqarfiit pingaarnersaanni Inuussutissarsiornermi Oqallittarfik Hovedstadens Erhvervsforum)

Ilisimatitsissut

SagsID.: EMN-2025-03317

Suliffeqarfiup iluani Kiffartuussivik - vicekommunaldirektøri Marie Fleischer / MAFL

## Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Kommuneqarfik Sermersooq Nuummi illoqarfiit pingaarnersaanni Inuussutissarsiornermi oqallittarfimmik pilersitsivoq suleqatigiilluni oqaluttarfiusussamik aammalu kommunip aamma suliffeqarfiutillit akornanni sulinermi ataatsimoorfissaannik. Nuummi Oqallittarfimmi siunertaavoq oqaloqatigiinnerup nukittorsarneqarnissaa aamma ataatsimoortumik aaqqiissuteqarnissamik pilersitsinissaq, Illoqarfiit pingaarnersaat pillugu periusissiap piviusunngortinneqarnissaanut iluaqutaasussamik aammalu ungasinnerusoq eqqarsaatigalugu piujuartitsisumillu illoqarfiit pingaarnersaannik ineriartortitsinissaq.

Oqallittarfik pilersinneqarmat siullermik taaguuteqarpoq Illoqarfiit Pingaarnersaanni Inuussutissarsiuqartut Oqaluttarfiat, kisianni kingornagut taaguutaa taarserneqarpoq Nuummi Oqaluttarfik. Taaguutaanik taarsiinermut ilaatigut nutseruminarnerunissaanik aammalu nittarsanneqarnerani piuminarnerusumik ilisariuminarnerunissaanillu pisariaqartitsineq, oqaluttarfiup saqqumilaartuuneranik kinaassusianillu nukittorsaataasumik.

Manna tikillugu Nuummi Oqallittarfimmi marloriarluni ataatsimiittoqareerpoq:

- 4. juuni 2025: Ataatsimiinnermi siullermi oqallittarfiup aaqqiissuussaanera suleriaasissaalu aalajangersaaffigineqarput, aammalu arfinilinnik qulequtaqarluni suleqatigiissitat pilersinneqarlutik.
- 3. oktobari 2025: Aappasaanik ataatsimiinnermi suleqatigiikkuutaat angusarigallakkaminnik saqqummiussipput siunissamilu pingaarnersiugassat eqqartorlugit.

Ataatsimiinnermi siullermi suleqatigiissitanik arfinilinnik pilersitsisoqarpoq, tamarmik immikkut illoqarfiit pingaarnersaata ineriartornissaanut qulequttanik qitiusunik suliaqartut:

1. Attaveqaasersuutit aammalu pilersaaruserluakkamik nunaminertanik ineriartortitsineq - nunaminertanik inuussutissarsiuqarfissanik ineriartortitsinissamik siunnersuutininik siunissamilu illoqannginneranut tunngasunik suliaqarneq
2. Kinguneqartussamik aningaasaliissuteqarnerit - kommunip sanaartugassanut aningaasaliissutaasa sukkaneruserumik qanoq pilersaarutinut erseqqissunut atorneqarsinnaanerit eqqartorlugit.
3. Kulturi takornariaqarnerlu siuarsaatit - kulturimik suliffeqarfiit, eqqumiitsuliortut takornariaqarnermillu suliaqartut akornanni qaninneruserumik sunniivigeqatigiinneq.
4. Najukkami suliffeqarfinnik siuarsaneq - pisiniartarnermi politikki aammalu suliffeqarfiit inuiaqatigiinni ilisarnaataat qitiutillugit.



5. Ilinniartitaaneq, ilinniakkamik misiliineq piginnaangorsaqqinnerlu - atuarfiup suliffeqarfiillu akornanni nukittunerusumik attaveqalernissamut periutsinik ineriartortitsineq.
6. Akuutitsineq sulinermilu peqataatitsineq - innuttaasut amerlanerit immikkut ilisimasallit qanoq peqataatinneqarsinnaanersut misissorlugu.

Nuummi Oqallittarfimmi peqataasartut tassaapput najukkami suliffeqarfiit, suliniaqatigiiffiit aammalu kommunimi suliatigut ingerlatsivinnersut. Maannakkorpiaq Nuummi Oqallittarfimmi peqataasartut 40-t missaanniipput. Nuummi Oqallittarfik Nuummi suliffeqarfinnut ammavoq aammalu ingerlaavartumik peqataasussanik nutaanik ilaneqartassalluni.

Nuummi Oqallittarfimmit aalajangerneqarpoq, ukiumut pingasoriarlutik sisamariarlutilluunniit naapittassallutik aammalu suleqatigiissitat ingerlaavartumik naapittassasut aamma pisariaqartitsineq naapertorlugu.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Kommunit aqunneqarnerat pillugu Inatsisartut inatsisaat nr. 29 17. Novembari 2017

### **Siusinnerusukkat aalajangiinerit**

*Aningaasaqarnermut Inuussutissarsionermullu Ataatsimiititaq, 18.11.25:*

Ilisimatitsissut tusaatissatut tiguneqarpoq.

### **Ilanngussat**

1. Peqataasut allattorsimaffiat

## **Punkt 6: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Nunap assinga



## Kommuneqarfik Sermersuumi killeqarfinnik agguataarineq

Ittoqqortoormiit

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ittoqqortoormiit Kangerlussuata kujataa tungaa Appaliip Nuuaniiit (Kap Brewster)1 Ilimanangiip Nunaata tungaanut (Kap Lesley)2), kangerluk qiteraarlugu, qinngualu avannarleq (Ittigajik (Gurreholm)-imiit 3 Nuna Kunngi Christiaat X 4) piniarfittut innuttaasunut pingaaruteqarlunnarmata ukioq kaajallallugu nunatta avataaneersuniit angallavigneqassanngitsut
2. Appaliip Nuuaniiit (Kap Brewster)1 Ilimanangiip Nunaata tungaanut (Kap Lesley)2 imartaq nunataalu avannarleq (kangerluuk qiteraarlugu), Ittigajik (Gurreholm)-imiit 3 Nuna Kunngi Christiaat X 4, Brunedal 5-imiit Odinshaneø-mut piffissami 1. augustimiit takornariaqarnerup ukiumoortumik naammassinissaata tungaanut nunanit allaneersunit imartaa nunataalu angallavigneqarsinnaapput
3. Appaliip Nuuaniiit (Kap Brewster)1-miit Kap Ryder 7 tikillugu imartaq nunataalu 1. september takornariaqarnerup ukiumoortumik naammassinissaata tungaanut nunanit allaneersunit imartaa nunataalu angallavigneqarsinnaapput
4. sumiiffiit sinneri killilersuiffiunngillat

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piumasaaqatitallit najoqqutassallillu aqqusaartorlugit, immikkoortunut inuussutissarsiuteqarluni suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatit kommunip illoqarfiini tamani innuttaasunik ataatsimiititsisoqarpoq. Qulaani killeqarfittut aaliangiussat Ittoqqortoormiini innuttaasut, aalisartut piniartullu kiisalu allanik inuussutissarsiornermik sammisaqartunit oktober 2024-mi oqallisigineqarsimapput.

Ittoqqortoormiit Kangerlussuani kiisalu Kangerlussuup paavata kujataata imartaa Kap Ryder tikillugu piniagassat illoqarfimmut annertuumik pingaaruteqarput. Tamanna peqqutigalugu angallanneq sapinngisamik killilersorneqarnissaa pingaartinneqarluni.

### Ingerlatsivimmit aningaasatigut sulisoqarnikkullu naliliinerit

Ilusilersuinerimik suliamut atatillugu aningaasartuutit missingersuutit killiliussat maannakkut iluini Inuussutissarsiuteqarnermut immikkoortortamiit aningaasartuutigineqassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.



Suliniummumt tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsinermik kinguneqartitsissanngillat.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput qulaani pineqartut pillugit aaliangiinerit pillugit ilisimatinneqartussaammata.

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq.

### **Ilanngussaq**

1. Nunap assinga

## **Punkt 7: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Nunap assinga



## Kommuneqarfik Sermersuumi killeqarfinnik agguataarineq

Ivittuut aamma Arsuk

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Arsuup kangerluani Taateraarunnerit Kuussuat kiisalu Taateraata inaat sillimaniarneq timmissallu piaqqiornerisa nalaanni timmissanik eqqissisimatitsinissaq peqqutigalugu qanillivallaarneqassanngitsut
2. Ikkap kangerlua Namminersornerullutik Oqartussat nalunaarutaat nr. 11 25. april 2000 Ikkap kangerluata eqqissisimatinneqarnissaanut malittarisassat malinneqarnissaat piumasaqaataasoq maliinnarneqassasoq
3. Ivittuut nunataa Arsuup kangerluaniit Qoornup kangerlua tikillugu umimmanniernerup nalaani, 1. augustimiit 31. oktoberimut tammajuitsussarsiniarluni piniangikkaanni (taakku piniartillutik nunatsinni nunaqartunik ilisimasortaqaartarmata) inuit nunatta avataaneersut Ivittuup nunataani angalaaqqusaassanngillat. Taamaallaalli inuit nunatta avataaneersut Ivittuut orsugissiorfikuaata nunaqarfittaani kiisalu Kangilinnguani umiarsualiviup ineqarfiusullu akornanni angalaarsinnaatitaassasut
4. eqaloqarfinni: Aasivik, Illorsuatsiaat, Puiattoq, Kuannit, Arfarfik kiisalu Kuanninguit eqalunniarfiup nalaani, 16. juni-miit 25. september tungaanut angalasunit nunatta avataaneersunit qanillineqannginnissaat piumasaqaataassasoq
5. sumiiffiit sinneri killilersuiffiussanngitsut

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piumasaqaatatillit najoqqutassallillu aqqusaartorlugit, immikkoortunut inuussutissarsiuteqarluni suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatit kommunip illoqarfiini tamani innuttaasunik ataatsimiititsisoqarpoq. Paamiuni 27. November innuttaasunik ataatsimiititsinermi Arsuk-mik nunaqarfimmi aqutsisuni ilaasorta qamma piniartut aalisartullu peqatigiiffiani siulittaasorlu peqataapput.

Arsuup kangerluani Taateraarunnerit Kuussuat sillimaniarneq kiisalu Taateraata inaat timmissallu piaqqiornerisa nalaanni timmissanik eqqissisimatitsinissaq peqqutigalugu qanillivallaarneqassanngitsut. Taaku aappalaartumik qalipaaserneqarput, kisianni eqqaaneqanngilaq qanoq ungasitsigisumiik isinnaarneqarsinnaaneri. Sumiiffiit taakku Arsuup kangerluata illumut qeqqata missaaniipput.



Ikkap kangerlua Namminersornerullutik Oqartussat nalunaarutaat nr. 11 25. april 2000 Ikkap kangerluata eqqissisimatinneqarnissaanut malittarisassat malinneqarnissaat piumasaqaataasoq maliinnarneqassasoq. Ikkap kangerluani angalassagaanni immikkuullarissunik malittarisassaqarpoq. Tassunga pequtaavoq kangerluup ilaani immap iluani napasuliaasat immikkuullarilluinnartut mianerisassat.

Ivittuut nunataa Arsuup kangerluaniit Qoornup kangerlua tikillugu umimmanniarnerup nalaani, 1. augustimiit 31. oktoberimut tammajuitsussarsiniarluni piniangikkaanni (taakku piniartillutik nunatsinni nunaqartunik ilisimasortaqaartarmata) inuit nunatta avataaneersut Ivittuup nunataani angalaaqqusaanngillat. Taamaattorli inuit nunatta avataaneersut Ivittuut orsugiassiorfikuaata, inuppassuarnit soqutigineqarlunilu takorusunneqartartoq, nunaqarfittaani kiisalu Kangilinnnguani umiarsualiviup ineqarfiusullu akornanni angalaarsinnaatitaassasut.

Eqaloqarfinni: Aasivik, Illorsuatsiaat, Puiattoq, Kuannit, Arfarfik kiisalu Kuanninnguit eqalunniarfiup nalaani, 16. juni-miit 25. septemberip tungaanut angalasunit nunatta avataaneersunit qanillineqannginnissaat piumasaqaataassasoq. Uani pequtigineqarpoq sumiiffiit angallaffiuallaalerpata eqaloqassutsimut sunniuteqarsinnaanera.

### **Ingerlatsivimmit aningaasatigut sulisoqarnikkullu naliliinerit**

Ilusilersuinerimik suliamut atatillugu aningaasartuutit missingersuutitut killiliussat maannakkut iluini Inuussutissarsiuuteqarnermut immikkoortortamiit aningaasartuutigineqassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.

Suliniummumt tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsinerimik kinguneqartitsissanngillat.

### **Missingersuusiornermut Naatsorsuusiornermullu Immikkoortortamiit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Takornariartitsinerimik ingerlataqarneq aamma inuussutissarsiuutigalugu ingerlatsinerimi zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput qulaani pineqartut pillugit aaliangiinerit pillugit ilisimatinneqartussaammata.

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq.

### **Ilanngussa**

1. Nunap assinga

## **Punkt 8: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Nunap assinga



## Kommuneqarfik Sermersuumi killeqarfinnik agguataarineq

Nuup Kangerlua eqqaalu

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. taamaallaat ilisimasassarsiorluni umiarsuarnik takornariarlutik angalasut amerlanerpaamik 250-inik ilaasoqarsinnaasut Nuup Kangerluatigut angalanissamut akuerisaassasut. Arctic Umiaq Line uani killilersuinermi eqqorneqassanngilaq
2. ilisimasassarsiorluni umiarsuarnik takornariarlutik angalasut siuliani taaneqartut taamaallaat Uummannap Sulluatigut Kapisilinnut kangerlummukarsinnaasut
3. ilisimasassarsiorluni umiarsuarnik takornariartut Nuup kangerluani tuttunniarneq pissutigalugu aggustip aallaqqaataaniit oktobarip naaneranut nunameeqqusaanngitsut Taamaattorli ilisimasassarsiorluni umiarsuit takornariartut inoqarfimmut Kapisilinnut nunnissinnaapput, aamma aavarnerup nalaani
4. Nuummi takornarialerisut angallatiminnik, annerpaamik 12-inik ilaasoqarsinnaasut, angalaarussisartut tuttunniarnerup nalaani ilaasuminnik Nuup Kangerluani Ameralimmilu nunamut niusisinnaapput
5. ukiukkut januarimiit martsimut Kangersunerup sineriaani (tiffasissumi) puisinniartarneq akornusinniginniarlugu Nuummi takornarialerisut angallatiminnik ukiuunerani kangerluup sikuata qeqqata sinaanut taamaallaat tulassinnaasut
6. takornariat Kapisillit kangerluata qinnguani Kangersunermi kangerlummut nerukinnerpaakkut (nalunaaqutserneqarpoq) taamaallaat ingerlasinnaasut
7. Nunatarsuaq taamaallaat najukkami najugaqartunit atorneqassasoq
8. Qussuk tutut piaqqiuleruttorerisa nalaanni april majimilu takornarialerisunit atorneqanani eqqissisimatitaassasoq
9. sumiiffiit sinneri killilersuiffiunngillat

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piumasaqaatitallit najoqqutassallillu aqqusaartorlugit, immikkoortunut inuussutissarsiuteqarluni suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatit kommunip illoqarfiini tamani innuttaasunik ataatsimiititsisoqarpoq.

Nuummi 2024-mi decembarip qaammataani innuttaasunik ataatsimiititsinermi inuussutissarsiutigalugu aalisartut/piniartut takornarialerisullu akornanni isumaqatigiissutigineqarpoq, Nuup kangerluani umiarsuarnik takornariartaatinik angallannerit ilisimasassarsiorluni umiarsuarnik takornariartaatinik minnerusunut angallassinernut killeqartinneqassasut. Angallaffiusup sinnera Nuummiit Uummannap Sulluatigut Kapisilinnut killeqartinneqassaaq. Ilisimasassarsiorluni umiarsuarnik angallannerit amerlanerpaamik 250-inik ilaasoqarsinnaasut taamaallaat Nuup kangerluatigut angalasinnaasut allaffeqarfimmiit siunnersuutigineqarpoq.



Innuttaasunik ataatsimiititsinerit soqutigisaqaqatigiinnillu ataatsimiititsinerit tunngavigalugit, Kangersunermi sineriammut qaninnerusumi puisinniarnert akornusersunnginnissaat anguniarlugu, sermeq iigartartumut ukiuunerani angallassinert kangerluup qeqqani sikup killinganut taamaallaat killittassasut siunnersuutigineqarpoq.

Nunatarsuup eqqaani takornarialerisoqassanngitsoq, Qussuup nunataani tuttu piaqqiorneri pissutaallutik april majimilu takornarialerisoqartassanngitsoq. Ilisimasassarsiorluni umiarsuarnik angalasuni ilaasut tuttuarnierup nalaani, aggustip aallaqqaataaniit oktobarip naaneranut, Nuup Kangerluani Ameralimmilu umiarsuarnut takornariartaatinut ilaasunik nunamut niusisoqartassanngitsoq, taamaattorli takornariartaassuit annerpaamik 250-inik ilaasullit Kapisillit nunaqarfittaanut tuttuarnierup nalaani ilaasuminnik niusisinnaassapput. Nuummi takornarialerisut angallataatillit annerpaamillu 12-inik ilaasoqarsinnaasut piffissaq tamakkiisooq ilaasuminnik nunamut niusisinnaassapput.

Qussuk tuttu piaqqiuleruttornerisa nalaanni april majimilu takornarialerisunit atorineqarnani eqqissisimatitaassasoq.

### **Ingerlatsivimmit aningaasatigut sulisoqarnikkullu naliliinerit**

Ilusilersuinerimik suliamut atatillugu aningaasartuutit missingersuutit killiliussat maannakkut iluini Inuussutissarsiuuteqarnermut immikkoortamiit aningaasartuutigineqassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.

Suliniuummut tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsinerimik kinguneqartitsissanngillat.

### **Missingersuusiornermut Naatsorsuusiornermullu Immikkoortomit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviummik uppersaatillit**

- Takornariartitsinerimik ingerlataqarneq aamma inuussutissarsiuutigalugu ingerlatsinerim zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput qulaani pineqartut pillugit aaliangiinerit pillugit ilisimatinneqartussaammata.

### **Siusinnerusukut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq.

### **Ilanngussat**

1. Nunap assinga

## **Punkt 9: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Nunap assinga



## Kommuneqarfik Sermersuumi killeqarfinnik agguataarineq

Paamiut

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. nuna Paamiut kujataaniittoq umimmannik 19-inik 2024 aasaanerani nussiviusimasoq avataaneersunit nammineq angalasunit umimmannik eqqissisimatitsinissaq aallaavigalugu ukioq kaajallallugu angallavigeqqusaassanngitsoq
2. Sarfaarsuk ulorianarpallaarmat ingerlaviginissaa inerteqqutaassasoq
3. Semiliup Kangerluani Kuannersuullu Kangerluani serminik iigartartoqarnera peqqutigalugu Paamiuni eqqaanilu najugaqartunik, sumiiffimillu ilisimasaqartunik aatsaat ilisimasortaqarluni, uani aamma pineqarput umiarsuup sumiiffimmik ilisimasortaa (lods) umiarsuit angallatillu tingerlaataannallit, angallavigineqarsinnaassasoq
4. sumiiffiit sinneri killilersuiffiussanngitsut

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piumasaqaatitallit najoqqutassallillu aqqusaartorlugit, immikkoortunut inuussutissarsiuteqarluni suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatitut kommunip illoqarfiini tamani innuttaasunik ataatsimiititsisoqarpoq. Paamiuni ataatsimiititsinermi innuttaasut, aalisartut piniartullu kiisalu assigiinngitsunik inuussutissarsiuteqartut (soorlu takornarialerisunngornissamut soqutiginnittut) peqataapput.

Sarfaarsuk atimisut sarfartigisinnaammat siornatigut aqutigisimangikkaanni ulorianarsinnaammat nunatta avataaneersunit aqutigineqartannginnissaa piumasaqaataavoq.

Paamiormiut assut pingaartippaat nuna umimmannik 19-inik nuutsiviusimasoq sapinngisamik eqqissisimatinneqarnissaa taamaalilluni siunissami Paamiormiunut iluaqutaalernissaaat iluatsinniassammat.

Kangerluit Paamiut kujataaniittut avannaaniittullu sermit aakkaasarmata ilisimasortaqarnani angallavigineqartarnissaaat kissaatiginngilaat.

### Ingerlatsivimmit aningaasatigut sulisoqarnikkullu naliliinerit

Ilusilersuinerimik suliarmut atatillugu aningaasartuutit missingersuutit killiliussat maannakkut iluini Inuussutissarsiuteqarnermut immikkoortortamiit aningaasartuutigineqassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.

Suliniummumt tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsinermik kinguneqartitsissanngillat.



## **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput qulaani pineqartut pillugit aaliangiinerit pillugit ilisimatinneqartussaammata.

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq.

### **Ilanngussaq**

1. Nunap assinga

## **Punkt 10: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Nunap assinga



## Kommuneqarfik Sermersuumi killeqarfinnik agguataarineq

Qeqertarsuatsiaat

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

1. Kuussuup nunataa imartaalu ukioq naallugu piniarfiusarmata tikinneqartassanngitsut
2. Sassarsuit sakkortuumik sarfarnera uloriarnarsinnaammat aqutiginikuusimanngikkaanni nunatta avataaneersunit ingerlavigineqartassanngitsoq.
3. Kangerluarsunnguani eqaluit uloriarnartorsiormata sumiiffik eqqissisimatinneqassammat angallavigineqartassanngilaq
4. Tasiusarsuup tasiusaa ulorianarsinnaammat aatsaat sumiiffimmik ilisimasaqartumik ilisimasortaqarluni pulaneqarsinnaassasoq
5. Sumiiffiit sinneri killilersuiffiussanngitsut

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piumasagaatallit najoqutassallilu aqqusaartorlugit, immikkoortunut inuussutissarsiuteqarluni suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatitut kommunip illoqarfiini tamani innuttaasunik ataatsimiititsisoqarpoq. Nunaqarfimmi Qeqertarsuatsiaani 17. februar 2025 innuttaasunik ataatsimiititsisoqarpoq. Ataatsimiinnermi innuttaasut, aalisartut piniartullu kiisalu inuussutissarsiuteqartut peqataallutik.

Qeqertarsuatsiaani kangerata qinngua sermimik imaartartoqarnera imaluunniit tatsimik imaartartoqarnera peqqutaalluni supisarnera angalasunut uloriarnarsinnaammat killilersuirusupput.

Qeqertarsuatsiaarmiut malugisimavaat angallatit tingerlaataannarsortut aqunneqaratik sumiiffinni assigiinngitsuniittarnerat, tamannalu eqqarsarnartoqartikkaat.

Kuussuup nunataa imartaalu ukioq naallugu piniarfittut pingaartinneqarmata tikinneqartassanngitsut.

Sassarsuit sakkortuumik sarfartarnera uloriarnarsinnaammat aqutiginikuusimanngikkaanni nunatta avataaneersunit ingerlavigineqartassanngitsoq.

Kangerluarsunnguani eqaluit uloriarnartorsiormata sumiiffik eqqissisimatinneqassammat nunatta avataaneersunit angallavigineqartassanngilaq  
Tasiusarsuup tasiusaa mianernarsinnaammat aamma ulorianarsinnaammat aatsaat sumiiffimmik ilisimasaqartumik ilisimasortaqarluni pulaneqarsinnaassasoq.

### Ingerlatsivimmit aningaasatigut sulisoqarnikkullu naliliinerit



Ilusilersuineramik suliamut atatillugu aningaasartuutit missingersuutit killiliussat maannakkut iluini Inuussutissarsiuqarnermut immikkoortortamiit aningaasartuutigineqassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.

Suliniummut tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsineramik kinguneqartitsissanngillat.

### **Missingersuusiornermut Naatsorsuusiornermullu Immikkoortortamiit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Takornariatitsineramik ingerlataqarneq aamma inuussutissarsiuqarlugu ingerlatsinermi zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq.

### **Ilanngussaq**

1. Nunap assinga

## **Punkt 11: Kommuneqarfik Sermersuumi killeqarfinnik agguataarineq**

### **Beslutning**

Inassuteqaat akuersissutigineqarpoq.

### **Bilag**

Tasiilaq

Ikateq – Tingmiarmit

Nansen Fjord - Similaaq



## Kommuneqarfik Sermersuumi killeqarfinnik agguataarineq

Tasiilaq eqqaalu

Aalajangiiffigisassaq

SagsID.: EMN-2025-02599

Suliffeqarfiup Iluani Kiffartuussivik – vicekommunaldirektøri Marie Fleischer / MAFL

### Inassuteqaat

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

1. Sermilik, Isi aamma Kangersarpeeraq silammut killigalugit, avataaneersunit nammineq angalasunit piniagassat sillimaniarnerlu peqqutigalugit ukioq kaajallallugu angallavigeqqusaassanngitsutangallavigeqqusaassanngitsut
2. Qeertartivattaap Kangertiva (Johan Petersens Fjord) avataaneersunit nammineq angalasunit piniagassat sillimaniarnerlu peqqutigalugit ukioq kaajallallugu angallavigeqqusaanngissasoq
3. Sermiligaamiit ilummut Sermiligaap Qingertivaa, Kaaralip Sermianut aamma Knud Rasmussenip Sermianut ilanngullugit, avataaneersunit nammineq angalasunit piniagassat aalisarneq sillimaniarnerlu peqqutigalugit ukioq kaajallallugu angallavigeqqusaanngissasoq
4. Kuummiuniit ilummut kangerluit, Ikaasalaaq, Qinnertivaq Tasiilaq-Ilu avataaneersunit nammineq angalasunit piniagassat sillimaniarnerlu peqqutigalugit ukioq kaajallallugu
5. qeqertat: Salisaalik, Ilittertivaq Apuseeq-Ilu eqqaani imartat kiisalu Apusiaajjik-Ilu avannamut imartaa avataaneersunit nammineq angalasunit piniagassat sillimaniarnerlu peqqutigalugit ukioq kaajallallugu angallavigeqqusaanngissasoq
6. Tasiilap eqqaata sinnera tamarmi taamaallaat Tasiilami eqqaanilu najugaqartunik, sumiiffimillu ilisimasartunik aatsaat ilisimasortaqarluni, uani aamma pineqarput umiarsuup sumiiffimmik ilisimasortaa (lods) umiarsuit angallatillu tingerlaataannallit angallavigneqarsinnaassasoq
7. Tasiilap illoqarfimmut pulammagiaa, tassa Tasiilap kangerlua, ilisimasortassanik aallernissamut periarfissaqartitsiniarluni kikkunnut tamanut ammassasoq
8. Tasiilap kujataani Ikkarteq-miit Qeertartivaq-mut  $63^{\circ}32'51.5''N$   $40^{\circ}41'08.8''W$  Tasiilami eqqaanilu najugaqartunik, sumiiffimillu ilisimasartunik aatsaat ilisimasortaqarluni, uani aamma pineqarput umiarsuup sumiiffimmik ilisimasortaa (lods) umiarsuit angallatillu tingerlaataannallit angallavigneqarsinnaassasoq
9. Qeertartivaq-miit  $63^{\circ}32'51.5''N$   $40^{\circ}41'08.8''W$  Nuunniit Oqqummut Kangiat-nut  $63^{\circ}03'26.9''N$   $41^{\circ}19'07.4''W$  avataaneersunit nammineq angalasunit piniagassat sillimaniarnerlu peqqutigalugit ukioq kaajallallugu angallavigeqqusaanngissasoq
10. Nuunniit Oqqummut Kangiat-niit  $63^{\circ}03'26.9''N$   $41^{\circ}19'07.4''W$  Timmiarmiut  $62^{\circ}44'56.2''N$   $42^{\circ}11'50.9''W$  tikillugit Tasiilami eqqaanilu najugaqartunik, sumiiffimillu ilisimasartunik aatsaat ilisimasortaqarluni, uani aamma pineqarput umiarsuup sumiiffimmik ilisimasortaa (lods) umiarsuit angallatillu tingerlaataannallit angallavigneqarsinnaassasoq
11. Tasiilap avannaani Nansens fjord-imiit:  $68^{\circ}18'N$   $29^{\circ}53'W$  kujammut Similaaq  $68^{\circ}11'43.8''N$   $29^{\circ}51'39.7''W$  avataaneersunit nammineq angalasunit piniagassat aalisarneq sillimaniarnerlu peqqutigalugit ukioq kaajallallugu angallavigeqqusaanngissasoq
12. sumiiffiit sinneri killilersuiffiunngissasut

### Suliassamik saqqummiussineq

Takornariaqarneq pillugu inatsimmut nalunaarummullu tassunga atasumut atatillugu, immikkoortut assigiinngitsunik killeqarfeqartillugit immikkoortumi qanoq takornariaqartiginissaanik naleqquttumik toqqaasoqarsinnaavoq. Killeqarfiit immikkoortuniit killilersorneqanngitsuniit, immikkoortut immikkut piunasaqaatitallit najoqqutassallillu aqqusaartorlugit, immikkoortunut inuussutissarsiuteqarluni



suliffeqarfinnut, angallavissatut uninngaarfittulluunniit tamakkiisumik nioqquteqartunut isorartutigisinnaapput.

Politikikkut saqqummiussassamut matumunnga piareersaatit kommunip illoqarfiini tamani innuttaasunik ataatsimiititsisoqarpoq. Tasiilami ataatsinissamut nunaqarfinni aqutsisut aggersarneqarsimagaluarput, silali angalaniarnerlu kipiluttunartoq peqqutigalugit aggersarneqarsimagaluartut apuutinngitsoorput. Kommunitimilu sulisut piffissaq kingullerpaaq atorlugu Tasiilamut apuussimallutik, pilersaarullu malillugu ataatsimiititsinerup kingorna ullup tulliani Nuummumut utertariaqarsimallutik.

Innuttaasunik ataatsimiititsineri tassalu 27. Februar 2025 innuttaasut, inuussutissarsiuteqartut soorlu takornarialerisut, aalisartut piniartutullu peqataasimapput.

Tasiilarmiut takornariaqarneq inuussutissarsiutigilluarneqarmat tamakkiisumik takornariaqarneq tapersorsorpaat. Eqqarsarnartoqartippaalli angallatit/umiatsiat tingerlaataannarsorlutik angalasut. Taakku aqunneqaratik nunamullu/sumiiffimullu aningaasarsiornikkut iluaqutaanngitsut nalilersormatigit kissaatigilluinnarpaat killilersorneqarnissaat. Tamannalu tunngavigerpiarlugu zonenut killilersuineri taakkorpiat aqunnerorusullugit innuttaasunik ataatsimiititsineri siunnersuutit taamatut isumaqatigiissutigisimallugit.

Sumiiffiit assigiinngitsut angalasunit nunatta avataanersunit angalaqqusiffiunngitsunut peqqutaatinneqarpoq sumiiffiit pineqartut uloriarnarsinnaammata imaluunniit piniarnermut aalisarnermullu pingaaruteqarlunnarmata allamiunit angalaffigineqarnissaat kissaatiginagu.

### **Ingerlatsivimmit aningaasatigut sulisoqarnikkullu naliliinerit**

Ilusilersuinerimik suliamut atatillugu aningaasartuutit missingersuutit killiliussat maannakkut iluini Inuussutissarsiuteqarnermut immikkoortortamiit aningaasartuutiginEQassapput. Aningaasartuutit siunertamut 0401040000 "Suliaqarfiit allat" nalunaarsorneqassapput.

Suliniummumut tunngatillugu allaffissornermi suliassartai eqqarsaatigalugit sulisunik ilasinissamik pisariaqartitsinerimik kinguneqartitsissanngillat.

### **Missingersuusiornermut Naatsorsuusiornermullu Immikkoortortamiit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersarsaatillit**

- Takornariartitsinerimik ingerlataqarneq aamma inuussutissarsiutigalugu ingerlatsineri zonenut immikkoortiterineq il.il. pillugit Inatsisartut inatsisaat nr. 62, 25. novembari 2024-meersoq
- Zonenut immikkoortiterinerit aalajangersarneqarnissaannut ingerlatseriaaseq pillugu Namminersorlutik Oqartussat nalunaarutaat nr. 9, 3. februaari 2025-meersoq
- Kommuneqarfik Sermersooq Naalakkersuisunut saaffigineqassapput qulaani pineqartut pillugit aaliangiinerit pillugit ilisimatinneqartussaammata.

### **Siusinnerusukkat aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarpoq

### **Ilanngusaaq**

1. Tasiilaq
2. Ikateq – Tingmiarmit



### 3. Nansen Fjord - Similaaq

## **Punkt 12: Tunumi utoqqarnik suliassaqarfimmut tulleriissaarisartut pillugit siunnersuut**

### **Beslutning**

Siunnersuut Kommunalbestyrelsimit ilalernerqarluni Utoqqarnut Isumassuinnermullu Ataatsimiititamut ingerlateqqinneqarpoq.

### **Bilag**

Suliffeqarnermut Isumaginninnermullu Ingerlatsivimmit nassuiaat

## Tunumi utoqqarnik suliassa qarfirmut tulleriissaarisartut pillugit siunnersuut

Kommunalbestyrelsimi ilaasortap Egon Poulsenip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2025-00017

### Inassuteqaat

Kommunalbestyrelsimi ilaasortap Egon Poulsenip (S) Kommunalbestyrelsimut inassuteqaatigaa:

1. siunnersuut Kommunalbestyrelsimi oqallisigineqassasoq suliallu ingerlariaqqinnissaa aalajangiiffigineqassasoq

### Suliassamik saqqummiussineq

Kommunalbestyrelsimi ilaasortap Egon Poulsen (S) ulloq 14.10.25 Kommunalbestyrelsimut aalajangiiffigisassatut siunnersuummik nassiussivoq. Egon Poulsen-ip (S) kissaatigaa Kommunalbestyrelsip utoqqarnik suliassa qarfirmi tulleriissaarisartoqarnissaq pillugu periarfissaq eqqartussagaa.

### Tunngavilersuutit:

*"Utoqqaat Tunumi tulleriissaarisartunik ukiumut marloriaannartumik tikittoqartarnera assut naammagittaalliutigisarpaat, soorlu oqariartuutigineqartoq utoqqarnik suliassa qarfirmi suliassat tikittoqaqqinnissaannut aaqqiivigineqarnissaat utaqqisinneqartarnera unammilligassaasoq. Taamaattumik uanga kommunalbestyrelsimi ilaasortatut Tasiilami utoqqarnik suliassa qarfirmi Tulleriissaarisartunik ataavartumik pilersitsinissaq pillugu aalajangiiffigisassatut siunnersuuteqarusuppunga.*

*Taamaasiornikkut utoqqarnik qanimut sullissineq pitsanngorsarneqassaaq.*

*Tasiilami atorfirmik pilersitsisoqassappat eqqaarusupparattaaq siammarterinermi Ittoqqortoormiit ilanngunneqarnissaa siunertami naapertuutissasoq.*

### Siunnersuut qanoq aningaasaliiffigineqassava?

*"Atorfirmik pilersitsisoqassappat aningaasaliiffigineqartariaqarpoq."*

### Inatsisitigut tunngavissaq allakkallu tunngaviusumik uppersaatiillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommunalbestyrelsip suleriaasissaa

### Ilanngussat

1. Suliffeqarnermut Isumaginninnermullu Ingerlatsivimmit nassuiaat

## **Punkt 13: Nuuttunut klassimik/atuartunngortussanut klassimik pilersitsisoqarnissaa pillugu siunnersuut**

### **Beslutning**

Siunnersuut taamatut isikkoqartillugu amerlanerussuteqartunit (IA aamma D) itigartitsissutigineqarpoq. Taamaakkaluartoq ajornatorsiummut aaqqiissutissanik eqqartuinissaq siunertaralugu Meeqqanut, Ilaqutariinnut Atuartitaanermullu Ataatsimiititamut aammalu seminareqarnissamut qulequtaq ingerlateqqinneqarpoq.

Siunnersuut ikinnerussuteqartunit (S aamma N) ilalerneqarpoq.

### **Bilag**

Notat Politikerforslag modtagerklasser.docx\_2503250.docx\_KAL.docx

## Nuuttunut klassimik/atuartunngortussanut klassimik pilersitsisoqarnissaa pillugu siunnersuut

Kommunalbestyrelsimi ilaasortap Doris J. Jensenip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2025-00017

### Innersuussut

Kommunalbestyrelsimi ilaasortamit Doris J Jensenimit (S) Kommunalbestyrelsimut inassuteqaatigineqarpoq:

1. siunnersuut Kommunalbestyrelsimi oqaluuserineqassasoq suliallu ingerlariaqqinnissaa aalajangiiffigineqassasoq

### Suliassamik saqqummiussineq

Kommunalbestyrelsimi ilaasortaq Doris J. Jensen (S), 16.11.25-mi Kommunalbestyrelsimi aalajangiiffigisassatut siunnersuummik nassiussaqqarpoq. Doris J Jensenip kissaatigaa nuuttunut klassimik/atuartunngortussanut klassimik pilersitsisoqarnissaa Kommunalbestyrelsimut oqaluuserineqassasoq.

Toqqammavilersuut:

(Nutserneqarnera: Kommuneqarfik Sermersooq)

*"Nunani allaniit soorlu kangianiik nunatsinnut nuuttartut ukiuni kingullerni amerliartupiloorput, minnerunngitsumik Nuummi suliffeqarfippassuit kangianeersunik sulisoqarput. Kangianiit Nuummut suliarortut amerliartupiloormata, taakku meerartaat aamma meeqqat atuarfianni amerliartorput.*

*Naluneqanngilaq Nuummiut meerartaasa tuluttut oqalunnerat nalinnaasorujussuannngortoq, taamaattumik nunasisunut kalaallisut ilikkartitsiniarnerput pitsaanerulinngilaq ajornanngitsumik taakua tuluttut oqaluunneqartarmata. Malitsigaa kangianiit Nuummut nuuttut ilarpassuisa kalaallisut ilikkanngitsoortarnerat imaluunniit oqaatsitsinnik atuiumanginnerat kisianni aamma eqqaasitsissutigissavara pineqartut kangiamiinnaanngimmata aammali ilaatigut europaminngaanneersuullutik.*

*Sionatigut meeqqat atuarfianni nalinnaasumik oqaatsit marluk atorlugit atuartitsineq ingerlanneqakkajuppoq tassa kalaallisut qallunaatullu kisianni massakkut klassip ataatsip iluani oqaatsit pingasut atorlugit atuartitsineq ingerlanneqarsinnaasarpoq.*

*Qulaani tunngavilersuutikka innersuussutigalugit siunnersuutigaara, nunasisunut klassimik pilersitsisoqassasoq ass. Qallunaat Nunaanni sivisunerpaamik ukiuni marlunni nunasisunut modtageklassimiitsitsisoqartarpoq nalinnaasumillu klassinut ukiup ataatsip qaangiunnerani nuukkiartuaartitsisoqartarluni apeqqutaalluni qallunaatut aammalu atuagarsornikkut qanoq ineriartornerat. Nuummi ilinniartitsisussaaleqineq atuutlernikuuvoq, taamaattumik ilinniartitsisut tatisimaneqareerput oqilisaataassaqaarlu nunasisorpasuit meerartaannut klassimik taamaattumik pilersitsisoqarsinnaasuuppat."*

### Siunnersuut qanoq aningaasaliiffigineqassava?

Allanneqarsimannngilaq.

### Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommunalbestyrelsip suleriaasissaa

## **Ilanngussaq**

1. Meeqqanut Atuarfeqarnermullu Ingerlatsivimmit Oqaaseqaat

## **Punkt 14: Utoqqaat pillugit siunnersuisooqatigiinni ilaasortanik qinersineq 2025-2029**

### **Beslutning**

Utoqqarnik Isumassuiner Mullu ataatsimiititami Utoqqaat pillugit siunnersuisooqatigiinni ilaasortatut innersuunneqartut Kommunalbestyrelsimi akuersissutigineqarput.

### **Bilag**

Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat



## Utoqqaat pillugit siunnersuisooqatigiinni ilaasortanik qinersineq 2025-2029

Aalajangiiffigisassaq

SagsID.: EMN-2025-02604

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Innersuussut

Utoqqarnik Isumassuinnermullu Ataatsimiititamit Kommunalbestyrelsimut inassuteqaatigineqarpoq:

1. utoqqaat pillugit siunnersuisooqatigiinni ilaasortanik qinersisoqassasoq

### Suliassamik saqqummiussineq

Kommuneqarfik Sermersooq 2013-imi Utoqqaat pillugit siunnersuisooqatigiinnik utoqqarnik sullissinnermi Kommunalbestyrelsimut kiisalu Suliffeqarnermut Isumaginninnermullu Ingerlatsivimmut siunnersuisussatut siunertalimmik pilersitsivoq. Utoqqaat pillugit siunnersuisooqatigiit sulinerminni suliassaqarfimmi politikikkut eqqartorneqartut pitsaassusiannik qaffassaaqataassapput taamaalillutillu kommunimi utoqqaat atugarisaannik siuarsaaqataassallutik.

Utoqqaat pillugit siunnersuisooqatigiit qinigaaffiat aallaavigalugu Kommunalbestyrelsip qinigaaffia malippaa. Kisianni Suliffeqarnermut Isumaginninnermullu Ataatsimiititap ataatsimiinnerani ulloq 3. decembari 2024 aalajangerneqarpoq, utoqqaat pillugit siunnersuisooqatigiit qinigaaffiat sivitsorneqarallarneqassasoq, taamanikkut utoqqaat pillugit inatsisip nutaap atuutilersinneqarneratigut siunnersuisooqatigiinni malittarisassanik allannguuteqartitsissasoq Suliffeqarnermut Isumaginninnermullu Ingerlatsivimmit naatsorsuutigineqarmat. Tamatuma kingornagut utoqqaat pillugit inatsit kinguartinneqarpoq, taamaattumillu Utoqqarnut Isumassuinnermullu Ataatsimiititaq ulloq 11. aggusti 2025 aalajangerpoq qinersisoqassasoq.

Qinnuteqartut Utoqqaat pillugit siunnersuisooqatigiinnut ilaasortassatut eqqarsaatigineqartussat Kommuneqarfik Sermersuumi aalajangersimasumik najugaqassapput, 60-it qaangerlugit ukioqarlutik kiisalu Utoqqaat Peqatigiiffiinnut attuumassuteqassallutik imaluunniit utoqqarnut tunngasunut soqutiginnittuullutik.

Utoqqaat pillugit siunnersuisooqatigiinnut qinnuteqaat ilanngullugit nassiunneqarput. Tabelimi ataaniittumi qinigassannortittut takuneqarsinnaapput:

| Ateq               | Ukiut    | Illoqarfik/Nunaqarfik | Oqaaseqaatit  |
|--------------------|----------|-----------------------|---|
| Arkalo S I Abelsen | ukiut 79 | Nuuk                  |   |
| Bea K Jensen       | ukiut 65 | Nuuk                  |   |
| Beathe P Nielsen   | ukiut 60 | Nuuk                  |   |
| Bikki K Jepsen     | ukiut 63 |                       |   |
| Birte Nielsen      | ukiut 76 | Nuuk                  | Maannakkut utoqqaat pillugit siunnersuisooqatigiinni ilaasortaq |
| Kaj Kleist         | ukiut 82 | Nuuk                  | Maannakkut utoqqaat pillugit siunnersuisooqatigiinni ilaasortaq |
| Karl Berthelsen    | ukiut 70 | Paamiut               |   |
| Kununguak Kleist-  | ukiut 77 | Nuuk                  |   |



|                  |          |         |  |
|------------------|----------|---------|--|
| Johansen         |          |         |  |
| Martha Fleischer | ukiut 72 | Nuuk    |  |
| Titken Terkilsen | ukiut 72 | Paamiut |  |
| Uvdlo Hansen     | ukiut 65 | Nuuk    |  |

Utoqqaat Isumassuinerlu pillugit Ataatsimiitami ilaasortanik tallimanik qinigassanngortittut qulaaniittut akornanni qinersisoqassaaq. Qinigassanngortittut sinneri, utoqqaat pillugit siunnersuisooqatigiinni ileqqoreqqusat naapertorlugit, sinniisussanngussapput. Tamatuma kingornatigut ataatsimiitami qinerneqartut Kommunalbestyrelsimit akuersissutigineqassapput. Siunnersuisooqatigiit iluminni siulittaasumik siulittaasumullu tullersortimik toqqaalluni nammineq inissitsitissaaq.

### **Ingerlatsivimmit aningaasatigut sulisoqarnikkullu naliliinerit**

Utoqqaat pillugit siunnersuisooqatigiinnut kommune attaveqatigiinnermi atortunik, nutserisoqarnermik oqalutseqarnermik aammalu allatseqarnermik atugassaqartitsissaaq. Aningaasartuutit tamakkua maannakkut missingersuutini killigitinneqartut iluannit akilerneqassapput.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviusumik uppersaartillit**

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat

### **Siusinnerusukkat aalajangiinerit**

*Utoqqarnik Isumassuinerullu ataatsimiititaq, 20.11.25:*

Ataatsimiititap utoqqaat pillugit siunnersuisooqatigiinni qinerneqarput:

Titken Terkilsen

Martha Fleischer

Bikki K. Jepsen

Kunuunguaq Kleist-Johansen

Beathe P. Nielsen

### **Ilanngussat**

1. Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat
2. Utoqqaat pillugit siunnersuisooqatigiinnut qinnuteqaatit

## **Punkt 15: Missingersuutitik malitseqartitsineq – Ilassutitut aningaasaliissutit 2**

### **Beslutning**

Inassuteqaat akuersissutigineqarpoq.

### **Bilag**

Ilassutitut aningaasaliissutit kiisalu nuussinerit pillugit takussutissaq

Suliffeqarfiup iluani Kiffartuussivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Sanarfinermut Avatangiisinullu Ingerlatsivimmit qinnuteqaat

Meeqqanut Ilaqutariinnullu Ingerlatsivimmit qinnuteqaat

2026-mi kvartalit pingajuanni missingersuutitik malitseqartitsineq

## Missingersuutit malitseqartitsineq – Ilassutitut aningaasaliissutit 2

Aalajangiiffigisassaq

SagsID.: EMN-2024-01487

Suliffeqarfiup iluani Kiffartuussivik – Kommunaldirektøri Ole Jakobsen / OJAK

Suliffeqarfiup iluani Kiffartuussivik - vicekommunaldirektøri Marie Fleischer (MAFL)

Meeqqanut atuarfeqarnermullu Ingerlatsivik - pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaq Frederik Lundblad / FREL

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

### Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. siunertami 08.01.02 Timersornermi suliniut 500.000 koruuninik aningaasartalik siunnersuutaasutut siunertaq 08.01.03 Sunngiffimmi sammisassaqartitsiniutit allaniit aningaasaliiffigineqarani sanaartugassanut aningaasaateqarfimmit kuuffissuarnut aningaasaliissutit aningaasaliiffigineqarnissaa akuersissutigineqassasoq
2. ilassutitut aningaasaliissutit sinneri kiisalu nuussinissamut siunnersuutit ilanngussat 1-6 innersuussutigalugit akuersissutigineqassasut

### Suliassamik saqqummiussineq

2025-mi januaarimiit septembarimut naatsorsuutit misissornerinut atatillugu Kommuneqarfik Sermersuumi Ingerlatsivinnit siunertani assigiinngitsuni atuinerit nalilersorneqarput, matumani missingersuutitigut aaqqiissutissanik pisariaqartitsisoqarnersoq paasiniallugu.

Siunertat akornini aningaasaliissuteqarnerunissaq nuussinissarlu ingerlatsivinniit ataasiakkaaniit . Allatut pingaarnersiunerit pineqartut tamarmik 2025-mi missingersuutaannarnut tungassuteqarput. Tamanna 2026-mut missingersuutit suliarineqarnissaat eqqarsaatigineqarpoq.

Kommunip 2025-mut missingersuutai missingersuutitigut killissaq annerpaaq nallingajallugu missingersuusiartarnermut inatsit innersuussutigalugu 2025-mut 2.369 mio. koruuninut killigitinneqassasoq naatsorsuisoqarpoq. Missingersuutitigut aningaasaliissutit 2025-mi aningaasaliissutaareersut iluini annerusumik pissapput.

Aningaasaliissutissat katillugit 46,7 mio. koruunit ingerlatsivinniit qinnutigineqarput.

### **Aningaasaliissuteqarnerunissaq**

*Suliffeqarfiup iluani Kiffartuussivik 5,6 mio. kr.*

*Suliffeqarnermut Isumaginninnermullu Ingerlatsivik 37,7 mio. kr.*

*Meeqqanut Atuarfeqarnermullu Ingerlatsivik -10,9 mio. kr.*

*Meeqqanut Ilaqutariinnullu Ingerlatsivik 14,3 mio. kr.*

**Katillugit 46,7 mio. kr.**

Aningaasaliissutissat qinnuteqaatit siuliani taaneqartut ima pingaarnersiuinikkut pissasut inassuteqaatigineqarpoq.

### **Aningaasaliissuteqarnerunissap missingersuutitigut aningaasaliiffigineqarneri**

Ingerlatsinikkut sillimmatit annikillineri -19,9 mio. kr.

Sanaartornermut sillimmatit annikillineri -23,9 mio. kr.

Missingersuutini inissaq -2,9 mio. kr.  
**Katillugit -46,7 mio. kr.**

Suliffegarliup iluani Kiffartuussivik (ilanngussaq 2):

Qarasaasiaqarnermut suliassaqaarfik aningaasaliissuteqartoqarnerunissaanut annerusumik peqqutaavoq, ilaatigut Windows 11-p immikkut nutarterneqarnera atortunik taarsersuineramik nassataqarsimalluni.

Suliffegarnermut Isumagininnermullu (ilanngussaq 3):

Suliffissarsiortunut ikiorsiissutini (JSY) aamma utoqqaat illuini atuinermi ajornartorsiuteqarnerit annerusumik aningaasaliissuteqarnerunissamut peqqutaapput. JSY aningaasartuuteqarfiungaatsiarpoq, matumani 2025-mi suliffissaaleqisut amerlassusaat 2023-mut 2024-mullu sanilliullugit amerlanerungaatsiarnerat ilanngullugit. Itinerusumik nassuiaatit ilanngussaq 3-mi takukkit.

Sulisunut tiimimusialinnut akissarsianut aningaasartuutit aammalu vikarbureau-mik atuinerulerneq utoqqaat illuini aningaasaliissuteqarnerulernissamut peqqutaapput. Tamatuma saniatigut ukiup naalernerani inaarsinissamut atatillugu PPK-mi akissarsianik isumaqatiginninniarfigineranut atatillugu ukiumut bonusisiassanik akissarsianullu taarsiissutissanik tunniussisoqarnissaa naatsorsuutigineqarpoq.

Meeqqanut Atuarfeqarnermullu (ilanngussaq 4)

Atorfiit inuttaqanngitsut ilaatigut ilinniarsimasunik atorfinitsitsinissaq ajornakusoortoq aningaasaliissutikinnerunissamut annerusumik peqquteqarpoq.

Sanarfinermut Avatangiisinullu (ilanngussaq 5)

Asfaltilersuineq aningaasaliissuteqarnerunissamut annerusumik peqqutaavoq. Asfaltilorfiup ingerlanneqarnera 2025-mi kommunimit akisussaaffigineqalerpoq, aqquserngillu pingaarnerit aserfallassimapput. Aserfallatsaaliingitsoonerit angumeriniarlugit aammalu aqquserngit akuerineqarsinnaasumik pitsaassuseqalersinniarlugit ingerlatsinermut immikkoortortaq 2025-mi immikkut ittumik suliaqarfusimavoq. Tamatuma kingunerisaanik ataatsimut 23.000.000 koruunit atornerarput taakkunannga 6.500.000 koruunit ingerlatsinermut kontumi matussuserneqarlutik. Sinneruttut Angallannermut pilersaarummit aningaasalersorneqarnissaat siunnersuutigineqarpoq ( pilersaarut 100423), aningaasat ima annertutigisut 17.500.000 kr.

Meeqqanut Atuarfeqarnermullu (ilanngussaq 6)

Angajoqqaarsianut suliassaqaarfimmi akissarsiat tunniunneqartarneri b-tut isertitatut piunnaarlugit a-tut isertitatut allanngortinneqarneri aningaasaliissuteqarnerunissamut annerusumik peqquteqarpoq.

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Missingersuusiornermut Naatsorsuusiornermullu Immikkoortortamit aningaasatigut naliliineq**

Kommunip atuinerata misissuiffiginera ima paasinarsivoq, iluarsiiissutissat akuersissutigineqanngippata, imaluunniit allatut aningaasaliissutissarsiortoqanngippat, 2025-mut missingersuutit kommunip aningaasatigut killiffianut maannakkumut naapertuutissanngillat.

Ilassutitut aningaasaliissutit aammalu nuussinerit akuerineqassappata, siunertaq 2-16-imi 2025-mi kommunip ataatsimoortumik aningaasaliissutai 2.369 mio. koruuninik amerlassuseqassapput taamaalillutillu kommunimi missingersuutit 2.369 mio. koruunit iluanni attanneqarsinnaassallutik.

### **Inatsisitigut tunngavissaq allakkallu tunngaviusumik uppernarsaatillit**

- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq  
(Missingersuutit inissisimanerannik naatsorsueriaatsimik allanngueq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 18.11.25:*

Inassuteqaat akuersissutigineqarput ima allannguutitalerlugu: Meeqqanut Atuarfeqarnermullu Ingerlatsivimmiit Siunertamit uannga 08.01.03 sunngiffimmi sammisassaqtitsiniutit 500.000 kr. nuunneqarnissaat qinnuteqaatigineqartoq itigartinneqarpoq. Kissaatigineqarpoq allatut aningaasalersorneqassasoq.

### **Ilanngussat**

1. Ilasutitut aningaasaliissutit kiisalu nuussinerit pillugit takussutissaq
2. Suliffeqarfiup iluani Kiffartuussivimmit qinnuteqaat
3. Suliffeqarnermut Isumaginninnermullu Ingerlatsivimmit qinnuteqaat
4. Meeqqanut Atuarfeqarnermullu Ingerlatsivimmit qinnuteqaat
5. Sanarfinermut Avatangiisinullu Ingerlatsivimmit qinnuteqaat
6. Meeqqanut Ilaqutariinnullu Ingerlatsivimmit qinnuteqaat
7. 2026-mi kvartalit pingajuanni missingersuutinik malitseqartitsineq

# **Punkt 16: 2026-mut missingersuutinik aappassaaneerinnineq**

## **Beslutning**

Inassuteqaat akuersissutigineqarpoq.

## **Bilag**

2026-mut missingersuutitut missingersuusiornissamut malittarisassat

Angusanut takussutissaq 2026-2029

Aningaasaliissuteqarnissamik takussutissaq 2026-2029

Siunertani qaffasissuseq 3-mi missingersuutitut takussutissiaq

Takussutissaq missingersuutissatut siunnersuut

Missingersuutitut siunnersuutit akuerisat takussutissartaat

Politikkikkut missingersuutissatut siunnersuut

Allaffeqarfimmit missingersuutissatut siunnersuutitut takussutissaq

Sanaartornermi nutarterinermilu aningaasaateqarfik

Teknikkikkut oqaaseqaat

Siunertat allaaserineqarneri 2026

Akigititassat 2026

Inoqarfinnut Ataatsimiititap Akigitassanut siunnersuutaa

Ataatsimoortumik tapiissutit pillugit isumaqatigiissut 2026

Missingersuutit pillugit isumaqatigiissut 2025–2026

## 2026-mut missingersuutini aappassaaneerinnineq

Aalajangiiffigisassaq

SagsID.: EMN-2024-01487

Suliffeqarfiup iluani Kiffartuussivik – Kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. akileraarutip procentia 26%-iutillugu akuersissutigineqassasoq
2. 2026-imut akiusussat akuersissutigineqassasut
3. Politikikkut missingersuutini siunnersuut P2 akuersissutigineqassasoq 2026-mi 2 mio. kr.-nut aamma ukiuni missingersuusiorfiusuni 0,2 mio. kr.-nut aammalu sanaartugassanut sillimmatinit aningaasalersorneqassasoq
4. 2026-mut missingersuutit tamakkiisumik akuerineqassasut ilanngussat ilanngullugit

### Suliassamik saqqummiussineq

Oktobarip ulluisa arfernanniit qulingannut 2026-imut politikikkut missingersuutit inaarutaasut isumaqatiginninniutigineri inissineqarput. 2026-mut missingersuutini nalinginnaasumik ingerlatsineri 401 mio. koruuninik sinneqartooruteqarpoq, ataatsimullu inernerit sanaartugassanut aningaasaliissutit kingorna 145 mio. koruuninik sinneqartooruteqartoqassaaq. Ingerlatsinerimut missingersuutit pillugit inatsimmi 2026-mut killiliussat 2.488 mio kr.-iupput. Kommunip ingerlatsinerimut sanaartornermullu aningaasartuutai 2025-mi katillugit 2.488 mio kr.-iupput taamaalilluni kommunimit missingersuutit pillugit inatsit eqquutsinneqarpoq.

Ukiuni missingersuusiorfiusuni tamani nalinginnaasumik ingerlatsineq pitsaasuvoq, taamaalilluni sanaartugassanut aningaasaateqarfimmi pilersaarutini aallartitsinissamut aningaasassaqtuaannarnissaa qulakkeerneqassalluni.

| <b>Missingersuut 2026-2029</b>   | <b>2026</b> | <b>2027</b>  | <b>2028</b>  | <b>2029</b> |
|--|-------------|--------------|--------------|-------------|
| <i>Isertitat</i>   | -2.667      | -2.667       | -2.667       | -2.667      |
| <i>Aningaasartuutit</i>  | 2.232       | 2.213        | 2.199        | 2.198       |
| <i>Ernianut aningaasartuutit / nalikilliliinerit</i>   | 35          | 35           | 34           | 34          |
| <b>Nalinginnaasumik ingerlatsineri angusat</b>   | <b>-401</b> | <b>-420</b>  | <b>-435</b>  | <b>-435</b> |
| <i>Sanaartornermut aningaasaliissutit</i>  | 256         | 274          | 288          | 314         |
| <b>Angusat katillugit</b>  | <b>-145</b> | <b>-146</b>  | <b>-147</b>  | <b>-121</b> |
| <b>Aningaasaliissuteqartarnerit takussutissartaat</b>  | <b>2026</b> | <b>2027</b>  | <b>2028</b>  | <b>2029</b> |
| <i>Ukiuni sinneqartoorut</i>   | -144,6      | -145,9       | -146,6       | -121,4      |
| <i>Innuttaasut initaarnissamut taarsigassarsiaminnik akiliutaat</i>                                      | -25         | -50          | -65          | -105        |
| <i>Sanaartornermut atasumik taarsigassat naafferartumik akilersuutigineqarneri aamma akilerneqarneri</i> | 36,5        | 36,9         | 37,3         | 117,7       |
| <i>Inissialiornermi taarsigassarsianik tunniussineq</i>  | 50          | 50           | 50           | 50          |
| <i>Ingerlatseqatigiiffiit aningaasaataannut aningaasaliissutit</i>                                       | 79,3        | 74,4         | 64,6         | 50          |
| <b>Aningaasaatit tigoriaannaat allanngornerat</b>  | <b>-3,8</b> | <b>-34,6</b> | <b>-59,7</b> | <b>-8,7</b> |

### **Ingerlatsivimmit aningaasatigut sulisoqarnikkullu naliliinerit**

2026-mut missingersuutissat 2025-mut missingersuutit iluarsinertalittut akuersissutigineqartut ilassutitut aningaasaliissutit kiisalu akinut aningaasarsianullu aaqqiissutit 2,34%-inngornissaannut aamma naatsorsuutiginnisamik aningaasartuutitut ingerlatsinermut sillimmasiissutit 25 mio. koruuniusunik immikkoortitsinerit akuersissutigineqarnerisa kingunerisaanik iluarsiiisutitallit aallaavigalugit suliarineqarput. Politikkikkut akuersissutigisatut allannguutit ilanngussat pingaarnersiukkallu ilanngullugit ajornakusoortumik pingaarnersiuisoqaraluartoq akisussaassuseqartumik attanneqarsinnaasumillu takussutissiisut nalilerneqarpoq.

### **Missingersuusionermut Naatsorsuusionermullu Immikkoortortamit aningaasatigut nalilii neq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermit ileqqoreqqusat
- Kommuneqarfik Sermersuumi 2026-mut missingersuusionermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

### **Siusinnerusukkut aalajangiinerit**

*Aningaasaqarnermut Inuussutissarsionermullu Ataatsimiititaq, 18.11.25:*

Inassuteqaat akuersissutigineqarput ima ilassuteqaatitalerlugu: Kalaaliaqqap nutarternissaanut sanaartugassanut sillimmatinit 5,7 mio. koruuninik aamma sinerissap qanittuani aalisarnermit 3,8 mio. koruuninik aallertoqassaaq.

Akigititat akuersissutigineqarput kisianni ornittakkami nerisaqarnermut akit 2025-meersut atorneqassapput.

Inoqarfinnut Ataatsimiititamut tunngasut akigititat kommunalbestyrelsip ataatsimiinnginnerani ataatsimiititami oqaluuserineqaqqaassapput.

### **Ilanngussat**

1. 2026-mut missingersuutitut missingersuusiornissamut malittarisassat
2. Angusanut takussutissaq 2026-2029
3. Aningaasaliissuteqarnissamik takussutissaq 2026-2029
4. Siunertani qaffasissuseq 3-mi missingersuutitut takussutissiaq
5. Takussutissaq missingersuutissatut siunnersuut
- 5.1 Missingersuutitut siunnersuutit akuerisat takussutissartaat
6. Politikkikkut missingersuutissatut siunnersuut
7. Allaffeqarfimmit missingersuutissatut siunnersuutitut takussutissiaq
8. Sanaartornermi nutarterinermilu aningaasaateqarfik
- 8.1 Teknikkikkut oqaaseqaat
9. Siunertat allaaserineqarneri 2026
10. Akigititassat 2026
- 10.1 Inoqarfinnut Ataatsimiititap Akigitassanut siunnersuutaa
11. Ataatsimoortumik tapiissutit pillugit isumaqatigiissut 2026
12. Missingersuutit pillugit isumaqatigiissut 2025–2026

## **Punkt 17: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.56.